



# Պարույր Սևակ

## Միայնակ գբոսանք

Հիմարացած ու վերացած, խեղճ ու վսեմ՝  
Կանգնել եմ ես այս պարզերես երկնքի դեմ  
Ու նայում եմ՝  
Հորթուկի պես  
Եվ կամ քրմի՝  
Լիությունից թեթևացա՛ծ.  
Եվ... հավատում եմ աստրծուն:  
Ձեռքրս գցում այս ծոնոված առվի վզից  
Ու ձգելով-բարձրացնելով գլխիցրս վեր՝  
Ստեղծում եմ մի պսպղուն աղեղ-կամար,  
Որ չի՛ փլվի,  
Քանի դեռ ես չեմ կամեցել:  
Մոտեցնում եմ հետո երկու ափրս իրար՝  
Ծափ տալու պես,  
Եվ՝ հնագանդ իմ ափերի այդ շարժումին՝  
Քարափները գալի՛ս իրար,  
Միանում են իրար անձայն...  
Եվ ինքրս ինձ հավատալով՝  
Է՛լ աստրծուն չե՛մ հավատում:  
Ափս եմ քսում հողի դեմքին,  
Անբաղաձայն

Ու նախնական մի կենտ բառ եմ ասում նրան,  
Ու նա - շոյված՝ կատվի նման - մեջքը ցցում  
Եվ իր երկար պոչն է շարժում՝ գետի տեսքով:  
Ու ես կրկին հիմարացած և ինքնագոհ՝  
Շոյելու պես ապտակում եմ  
Այս պարզերես լուռ երկնքին  
Ու ժպտում եմ՝  
Մանուկի պես  
Եվ կամ մոզի՝  
Նորից լցվա՛ծ-լրիվացա՛ծ...  
Եվ... հասկանում եմ աստրծուն:

08. XII.1962թ.

Երևան